

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ  
ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС  
ТАЪЛИМ ВАЗИРЛИГИНИНГ  
ҚАРОРИ

**296** Бир талабани ўқитиш харажатларидан келиб чиқиб бюджет маблағлари ҳисобига олий таълим муассасаларининг харажатларини норматив режалаштириш ва молиялаштириш тартиби тўғрисидаги низомни тасдиқлаш ҳақида

*Ўзбекистон Республикаси Адлия вазирлиги томонидан 2010 йил  
26 августда рўйхатдан ўтказилди, рўйхат рақами 2136*

*(2010 йил 5 сентябрдан кучга киради)*

Ўзбекистон Республикаси Президентининг 2010 йил 28 майдаги ПҚ–1345-сонли «2010/2011 ўқув йилида Ўзбекистон Республикасининг олий таълим муассасаларига қабул тўғрисида»ги қарори ва Ўзбекистон Республикаси Вазирлар Маҳкамасининг 2010 йил 16 августдаги 178-сонли «Республиканинг олий таълим муассасаларини молиялаштириш тартибини янада такомиллаштириш чора-тадбирлари тўғрисида»ги қарорига мувофиқ Ўзбекистон Республикаси Молия вазирлиги ҳамда Олий ва ўрта махсус таълим вазирлиги **қарор қиладилар:**

1. Бир талабани ўқитиш харажатларидан келиб чиқиб бюджет маблағлари ҳисобига олий таълим муассасаларининг харажатларини норматив режалаштириш ва молиялаштириш тартиби тўғрисидаги низом иловага мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Молия вазири**

**Р. АЗИМОВ**

Тошкент ш.,  
2010 йил 20 август,  
67-сон

**Олий ва ўрта махсус  
таълим вазири**

**Б. ХОДИЕВ**

Тошкент ш.,  
2010 йил 20 август,  
329-сон

Ўзбекистон Республикаси  
Молия вазирлиги, Олий ва ўрта махсус  
таълим вазирлигининг 2010 йил 20 августдаги  
67 ва 329-сон қарорига  
ИЛОВА

**Бир талабани ўқитиш харажатларидан келиб чиқиб  
бюджет маблағлари ҳисобига олий таълим муассасаларининг  
харажатларини норматив режалаштириш ва  
молиялаштириш тартиби тўғрисида  
НИЗОМ**

Мазкур Низом Ўзбекистон Республикаси Президентининг 2010 йил 28 майдаги ПҚ-1345-сонли «2010/2011 ўқув йилида Ўзбекистон Республикасининг олий таълим муассасаларига қабул тўғрисида»ги қарорининг 6-банди ҳамда Ўзбекистон Республикаси Вазирлар Маҳкамасининг 2010 йил 16 августдаги 178-сонли «Республиканинг олий таълим муассасаларини молиялаштириш тартибини янада такомиллаштириш чора-тадбирлари тўғрисида»ги қарорига мувофиқ олий таълим муассасалари бюджетларини ҳисоблаш учун харажатларнинг базавий нормативлари ва уларга тузатиш коэффициентларини қўллаш йўли билан бюджет маблағлари ҳисобидан олий таълим муассасалари харажатларини режалаштириш ва молиялаштириш тартибини белгилайди.

**I. Умумий қоидалар**

1. Харажатларнинг базавий нормативлари республика бюджети маблағлари ҳисобидан молиялаштириладиган олий таълим муассасалари (кейинги ўринларда — ОТМлар деб юритилади) учун ажратиладиган бюджет маблағлари ҳажмини ҳисоблаш мақсадида қўлланилади, мазкур Низомнинг 1-иловасида кўрсатилган ОТМлар бундан мустасно.

2. Ўқитишнинг тўлов-контракт шаклидан тушадиган маблағларни режалаштириш (харажатлар сметасини тузиш) ва харажат қилиш Ўзбекистон Республикаси олий ва ўрта махсус таълим муассасаларида ўқитишнинг тўлов-контракт шакли ва тушган маблағларни тақсимлаш тартиби ҳақидаги низомга (рўйхат рақами 795, 1999 йил 6 август) асосан ҳамда қонунчиликка мувофиқ тегишли харажатларни молиялаштиришнинг кетма-кетлиги таъминланган ҳолда амалга оширилади.

3. Харажатларнинг базавий нормативлари ва уларга тузатиш коэффициентларини қўллаш йўли билан ОТМлар учун бюджет маблағлари ҳажмини аниқлаш тегишли йил учун тасдиқланадиган республика бюджети параметрларининг «Ўрта махсус, олий таълим ва кадрлар малакасини ошириш» харажатлари доирасида амалга оширилади.

4. Молия йилига ОТМ учун бюджет маблағлар ҳажмини аниқлашда қуйидаги харажатларнинг базавий нормативлари қўлланилади:

а) қонунчилик билан белгиланган барча устама ва қўшимчаларни ҳисобга олган ҳолда профессор-ўқитувчилар таркиби, бошқарув, маъмурий-хўжалик ва ўқув-ёрдамчи ходимларнинг меҳнатига ҳақ тўлаш харажатлари, стипендия тўловлари, иш ҳақига тенглаштирилган тўловлар ҳамда ОТМни сақлаш билан боғлиқ бошқа жорий харажатларни (давлат бюджети харажатларининг иқтисодий таснифига мувофиқ коммунал хизматлар, фойдаланиш ва ўқитиш харажатлари, жорий таъмирлаш, чиқимга оид материаллар ва кам баҳоли инвентарлар ҳамда бошқа жорий харажатлар) ўз ичига олувчи бир талабани ўқитиш учун жорий харажатларнинг базавий нормативлари, мазкур Низомнинг 2-иловасига мувофиқ;

б) асосий активларни харид қилиш ва капитал таъмирлаш учун ажратилган бюджет маблағлари ҳажми аниқланадиган ОТМнинг моддий-техника базасини ривожлантириш ва яхшилаш харажатлари бўйича харажатларнинг базавий нормативлари, мазкур Низомнинг 2-иловасига мувофиқ;

в) тўлиқ давлат таъминотида бўлган етим ва ота-онасининг қаровисиз қолган ОТМнинг битта талабасини овқат, кийим-бош, пойабзал ва шахсий гигиена буюмлари, шунингдек, битирув ва ишга жойлашиш учун берилган бир йўла нафақа билан таъминлаш бўйича харажатларнинг базавий нормативлари, мазкур Низомнинг 3-иловасига мувофиқ;

г) ОТМдаги ўқув жараёнининг ўзига хос хусусиятларидан келиб чиқиб, бир талабани ўқитиш харажатларининг базавий нормативларига қўлланиладиган тузатиш коэффициентлари, мазкур Низомнинг 4-иловасига мувофиқ.

5. Бир талабани ўқитиш учун жорий харажатларнинг базавий нормативларини аниқлашда ОТМлар талабаларни тайёрлашнинг асосий йўналишидан келиб чиқиб гуруҳларга бўлинади.

Давлат университетлари ҳамда ўқув жараёнининг ўзига хос хусусиятлари билан бошқа ОТМлардан фарқланадиган ОТМлар ҳам алоҳида гуруҳларга бирлаштирилади.

## **II. Харажатларнинг базавий нормативлари ва уларга тузатиш коэффициентларини қўллаш йўли билан ОТМ учун бюджет маблағлари ҳажмини ҳисоблаш**

6. ОТМга ажратилган бюджет маблағлари ҳажмининг ҳисоби қуйидаги формула асосида амалга оширилади:

$$\text{БСВ} = (\text{БНЗ}_1 * \text{К}_1 + \text{БНЗ}_2 * \text{К}_2 + \text{БНЗ}_3) * \text{N} + (\text{БНД}_1 * (\text{Ндс} - \text{Ндсв}) + \text{БНД}_2 * \text{Ндсв}), \text{ бунда:}$$

БСВ — ОТМ учун бюджет маблағлари ҳажми;

БНЗ<sub>1</sub> — меҳнатга ҳақ тўлаш, ягона ижтимоий тўлов, стипендия ва меҳнатга соатбай ҳақ тўлаш харажатларини ҳамда моддий рағбатлантириш махсус жамғармаси маблағлари ҳисобидан устамалар ва қонунчилик билан

белгиланган бошқа устама ва қўшимчаларни ўз ичига олувчи ОТМнинг бир талабаси учун жорий харажатларнинг базавий нормативи;

БНЗ<sub>2</sub> — 4-гуруҳ харажатлари бўйича ОТМнинг бир талабаси учун жорий харажатларнинг базавий нормативи;

БНЗ<sub>3</sub> — асосий активларни харид қилиш ва капитал таъмирлаш учун ажратиладиган бюджет маблағлари ҳажми аниқланадиган ОТМнинг моддий-техника базасини ривожлантириш ва яхшилаш харажатлари бўйича харажатларнинг базавий нормативи;

Н — ҳамма таълим йўналишлари ва босқичлари бўйича ўртача йиллик талабалар сони (сиртқи таълим талабалари учун 0,1 коэффиценти қўлланилади);

Ўртача йиллик талабалар сони молия йилида режалаштириладиган талабалар сонининг курслар бўйича ўзгаришини инобатга олган ҳолда аниқланади (қабул, битирув, талабалар сафидан чиқариш) ва қуйидаги формула асосида ҳисобланади:

$$N = U_n + U_p/3 - U_b/2 - U_o * 0,6, \text{ бунда:}$$

N — ўртача йиллик талабалар сони;

U<sub>n</sub> — йил бошига талабалар сони;

U<sub>p</sub> — талабаларни қабул қилишнинг кутилаётган сони;

U<sub>b</sub> — битирувчи талабаларнинг кутилаётган сони;

U<sub>o</sub> — талабалар сафидан чиқаришнинг кутилаётган сони;

K<sub>1</sub> — ОТМдаги ўқув жараёнининг ўзига хос хусусиятларидан келиб чиқиб қўлланиладиган ОТМнинг меҳнатга ҳақ тўлаш, ягона ижтимоий тўлов ва стипендия харажатлари ҳажмини оширувчи тузатиш коэффиценти;

K<sub>2</sub> — ОТМдаги ўқув жараёнининг ўзига хос хусусиятларидан келиб чиқиб қўлланиладиган ОТМнинг 4-гуруҳ харажатлари ҳажмини оширувчи тузатиш коэффиценти;

БНД<sub>1</sub> — тўлиқ давлат таъминотида бўлган етим ва ота-онасининг қаровисиз қолган ОТМнинг бир талабасининг таъминоти бўйича харажатларнинг базавий нормативи;

БНД<sub>2</sub> — тўлиқ давлат таъминотида бўлган етим ва ота-онасининг қаровисиз қолган ОТМнинг бир битирувчи талабасининг таъминоти бўйича харажатларнинг базавий нормативи;

Ндс — тўлиқ давлат таъминотида бўлган етим ва ота-онасининг қаровисиз қолган ОТМ талабаларининг йил бошига сони;

Ндсв — жорий молия йилида тўлиқ давлат таъминотида бўлган етим ва ота-онасининг қаровисиз қолган ОТМнинг битирувчи талабалари сони.

### **III. Бюджет маблағлари ҳисобидан ОТМнинг харажатлар сметасини тузиш (режалаштириш)**

7. ОТМнинг харажатлар сметасини тузиш Ўзбекистон Республикаси, Қорақалпоғистон Республикаси республика бюджетларида, шунингдек Ўзбе-

кистон Республикаси вилоят, шаҳар ва туман маҳаллий бюджетларида турувчи ташкилотларнинг харажат сметаларини тузиш, кўриб чиқиш ва тасдиқлаш тартиби тўғрисидаги йўриқномага (рўйхат рақами 888, 2000 йил 3 февраль) (Ўзбекистон Республикаси вазирликлари, давлат қўмиталари ва идораларининг меъёрий ҳужжатлари ахборотномаси, 2000 йил, 3-сон) асосан амалга оширилади.

8. Ўзбекистон Республикаси Вазирлар Маҳкамасининг 1999 йил 3 сентябрдаги 414-сон «Бюджет ташкилотларини маблағ билан таъминлаш тартибини такомиллаштириш тўғрисида»ги («Ўзбекистон Республикаси Ҳукумати қарорлари тўплами», 1999 й., 9-сон, 51-модда) қарорига, бюджетдан молиялаштиришнинг тасдиқланган харажатларнинг базавий нормативлари ва мазкур Низомнинг 2, 3 ва 4-иловаларига мувофиқ ОТМ мустақил равишда харажатлар сметасини ҳамда тасдиқланган намунавий штат бирликлари асосида штатлар жадвалини тузади ва тасдиқлайди.

9. Харажатлар сметаси, штатлар жадвали ва профессор-ўқитувчилар таркибининг штат формулярларини тузиш ўрнатилган тартибга қатъий риоя қилган ҳолда ва харажатларнинг базавий нормативлари ва тузатиш коэффициентлари асосида ҳисобланган маблағлар ҳажми доирасида амалга оширилади.

10. Харажатларнинг базавий нормативлари ва уларга тузатиш коэффициентларини қўллаш асосида ҳисобланган ОТМ учун бюджет маблағлари ҳажми қўйидаги қатъий тартибда тақсимланади:

иш ҳақи ва ягона ижтимоий тўлов;

стипендиялар;

тўлиқ давлат таъминотида бўлган етим ва ота-онасининг қаровисиз қолган ОТМ талабаларини моддий таъминлаш;

коммунал хизматлар учун харажатлар;

қолган жорий харажатлар ва бошқа харажатлар.

Бунда:

харажатлар сметасига иш ҳақи маблағлари базавий лавозим маошлари, Ягона тариф сеткаси бўйича разрядлар ва иш ҳақи ставкалари, уларга қонунчилик билан белгиланган устама ва қўшимчалардан келиб чиқиб ҳамда амалдаги намунавий штат бирликлари ва нормативларга, профессор-ўқитувчилар таркибининг йиллик индивидуал иш режаларига ва бошқаларга амал қилган ҳолда киритилади;

ягона ижтимоий тўлов миқдори харажатлар сметасига қонунчиликда ўрнатилган миқдорларда киритилади;

талабалар, аспирантлар (ординаторлар) ва докторантлар (тажриба ортирувчи-тадқиқотчи-изланувчи ва катта илмий ходим-изланувчи) учун стипендия харажатлари стипендиялар миқдорлари ва амалдаги стипендия билан таъминлаш тартибига мувофиқ ҳисобланади;

тўлиқ давлат таъминотида бўлган етим ва ота-онасининг қаровисиз қолган ОТМ талабаларининг моддий таъминоти бўйича харажатлар қонунчиликка мувофиқ ҳисобланади;

энергия ресурслари, коммунал хизматлар харажатлари ва жорий хара-

жатларни ҳисоблаш натурал кўрсаткичлар, энергия ресурслари ва коммунал хизматларнинг амалдаги нархлари ва тарифларига асосан амалга оширилади.

11. ОТМнинг айрим бюджет харажатлари бўйича дебитор қарздорлиги мавжуд бўлганда харажатларнинг базавий нормативлари асосида ҳисобланган бюджет харажатларининг ҳажми мазкур қарздорлик суммасига камайтирилади.

ОТМнинг кредитор қарздорлиги харажатларнинг базавий нормативлари асосида аниқланган бюджет харажатлар сметаси маблағлари доирасида, маблағ етишмаган тақдирда — мазкур ОТМнинг бюджетдан ташқари маблағлари ҳисобидан қопланади.

12. Агар 2010 йилда, ОТМ учун I ва II гуруҳлар бўйича харажатларнинг базавий нормативлари ва тузатиш коэффициентлари асосида ҳисобланган бюджет маблағлари ҳажми 2010 йил учун тасдиқланган харажатлар сметасидаги тегишли гуруҳлар бўйича режалаштирилган маблағлар ҳажмидан кўп бўлса, маблағ етишмовчилик асосланган ҳисоб-китобларга мувофиқ бюджетдан қўшимча ажратиладиган маблағлар ҳисобидан қопланади.

Бунда, агар ОТМга харажатларнинг базавий нормативларидан келиб чиқиб ажратилиши кўзда тутилган бюджет маблағлари ҳажми, ОТМнинг 2010 йилги тасдиқланган бюджет харажатлари сметасидаги тегишли гуруҳ харажатлари ҳажмидан кам бўлса, 2010 йилга тасдиқланган бюджет харажатлари сметасидаги маблағлар ҳажми камайтирилмайди.

13. Иш ҳақи ва стипендиялар миқдорларининг, энергия ресурслар ва коммунал хизматлар нархлари ва тарифларининг ошиши муносабати билан ОТМларнинг бюджет харажатлар сметаси бўйича вужудга келадиган қўшимча маблағга эҳтиёжи асосланган ҳисоб-китобларга мувофиқ бюджет маблағлари ҳисобидан Ўзбекистон Республикаси Молия вазирлиги томонидан ўрнатилган тартибда қопланади.

14. Харажатлар сметаси ва штатлар жадвалини рўйхатдан ўтказиш, уларга ўзгартиришлар киритиш ҳамда харажатлар сметаси ижроси бўйича ҳисоб-китоб ва ҳисоботлар қонунчилик билан белгиланган тартибда амалга оширилади.

15. Харажатларнинг базавий нормативлари ва тузатиш коэффициентларининг қўлланилиши муносабати билан ОТМларнинг бюджет харажатлари қайта ҳисоб-китоб қилиниб, ОТМларнинг 2010 йилга тасдиқланган бюджет харажатлар сметаларига ўрнатилган тартибда тегишли ўзгартиришлар киритилиши мумкин.

#### **IV. ОТМ харажатларини молиялаштириш (тўлаш)**

16. ОТМ харажатларини молиялаштириш (тўлаш) Ўзбекистон Республикаси Вазирлар Маҳкамасининг 1999 йил 3 сентябрдаги 414-сонли қарори билан тасдиқланган Бюджет ташкилотлари харажатларини молиялаштириш (тўлаш) Тартиби ва бошқа норматив-ҳуқуқий ҳужжатларга мувофиқ амалга оширилади.

17. ОТМ харажатларини тўлаш ўрнатилган тартибда Ўзбекистон Республикаси Молия вазирлиги Ҳазначилиги ва унинг ҳудудий бўлинмалари томонидан республика ғазначилик ҳисоб рақамидан амалга оширилади.

18. «Бошқа харажатлар» IV-гурухи бўйича маблағлар белгиланган лимитлар доирасида қуйидаги навбатга риоя қилган ҳолда сарфланади:

тўлиқ давлат таъминотида бўлган етим ва ота-онасининг қаровисиз қолган ОТМ талабаларини моддий таъминлаш;

дори-дармонлар;

коммунал хизматлар;

бошқа харажатлар.

## V. Яқуний қоидалар

19. Харажатлар сметасининг тўғри тузилиши ва рўйхатдан ўтказиш учун тақдим этилган харажатлар сметаси ҳисоб-китобларида кўрсатилган ОТМнинг ишлаб чиқариш кўрсаткичлари (майdonи, кубатураси, сарфланаётган коммунал хизматлар бўйича натурал кўрсаткичлар ҳажми ва улар бўйича харажатларнинг тасдиқланган харажатлар сметасига ва паспорт маълумотиға, шартномаларға ва ҳоказоларға мослиги)нинг тўғрилиги ва асосланганлиги учун амалдаги қонунчиликка мувофиқ ОТМ раҳбари ва бош бухгалтери шахсан жавобгар ҳисобланадилар.

20. Штатлар жадвалини ва профессор-ўқитувчилар таркибининг штатлар формулярининг тўғри тузилиши ҳамда Ягона тариф сеткаси бўйича разрядлар, базавий лавозим маошлари, устама ва қўшимчаларнинг тўғри қўлланилиши бўйича жавобгарлик ОТМларининг молия ва бухгалтерия хизматларига юклатилади.

21. Ўзбекистон Республикаси Молия вазирлигининг Назорат-тафтиш бош бошқармаси ОТМлар томонидан бюджет интизомиға риоя қилиниши устидан қатъий назоратни таъминлайди, зарур бўлганда, тақдим этилган миқдорий кўрсаткичлари, шунингдек ишлаб чиқариш кўрсаткичларининг тўғрилиги ва улардан харажатларнинг базавий нормативларини ҳисоблашда фойдаланилиши устидан текширишларни амалга оширади.

Бир талабани ўқитиш харажатларидан келиб чиқиб бюджет маблағлари ҳисобига олий таълим муассасаларининг харажатларини норматив режалаштириш ва молиялаштириш тартиби тўғрисидаги низомга  
1-ИЛОВА

**Бир талабани ўқитиш харажатларидан келиб чиқиб  
бюджет маблағлари ҳисобига харажатларни норматив  
режалаштириш тартиби татбиқ этилмайдиган олий  
таълим муассасалари  
РЎЙХАТИ**

Т/р	Олий таълим муассасалари номлари
1.	М.В. Ломоносов номидаги Москва давлат университетининг Тошкент шаҳридаги филиали
2.	И.М. Губкин номидаги Россия давлат нефть ва газ университетининг Тошкент шаҳридаги филиали
3.	Ўзбекистон Республикаси Банк-молия академияси
4.	Миллий рақс ва хореография Олий мактаби
5.	Ўзбекистон Республикаси Мудофаа вазирлиги, Ички ишлар вазирлиги ва Давлат божхона қўмитаси тизимидаги олий таълим муассасалари

Бир талабани ўқитиш харажатларидан келиб чиқиб бюджет маблағлари ҳисобига олий таълим муассасаларининг харажатларини норматив режалаштириш ва молиялаштириш тартиби тўғрисидаги низомга  
2-ИЛОВА

**Олий таълим муассасалари гуруҳлари бўйича  
бир талабани ўқитиш харажатларининг базавий  
НОРМАТИВЛАРИ**

Гуруҳлар	Олий таълим муассасалари номлари	минг сўм		
		БНЗ <sub>1</sub> — ОТМ бир талабасига жорий харажатларининг базавий нормативи	БНЗ <sub>2</sub> — ОТМ бир талабасига 4-гуруҳ харажатлари бўйича жорий харажатларининг базавий нормативи	БНЗ <sub>3</sub> — ОТМ моддий-техника базасини ривожлантириш ва яхшилаш харажатлари бўйича харажатларнинг базавий нормативи
1 гуруҳ	Тошкент давлат педагогика университети	2 177	96	65
	Навоий давлат педагогика институти			
	Қўқон давлат педагогика институти			
	Нукус давлат педагогика институти			
	Жиззах давлат педагогика институти			



Гуруҳлар	Олий таълим муассасалари номлари	минг сўм		
		БНЗ <sub>1</sub> — ОТМ бир талабасига жорий харажатларининг базавий нормативи	БНЗ <sub>2</sub> — ОТМ бир талабасига 4-гуруҳ харажатлари бўйича жорий харажатларининг базавий нормативи	БНЗ <sub>3</sub> — ОТМ моддий-техника базасини ривожлантириш ва яхшилаш харажатлари бўйича харажатларнинг базавий нормативи
	Тошкент вилоят давлат педагогика институти			
	Тошкент давлат юридик институти			
	Тошкент давлат иқтисодиёт университети			
	Тошкент молия институти			
	Самарқанд иқтисодиёт ва сервис институти			
2 гуруҳ	Самарқанд давлат университети	2 256	96	65
	Қорақалпоқ давлат университети			
	Бухоро давлат университети			
	Урганч давлат университети			
	Термиз давлат университети			
	Фаргона давлат университети			
	Қарши давлат университети			
	Наманган давлат университети			
	Андижон давлат университети			
Гулистон давлат университети				
3 гуруҳ	Бухоро озиқ-овқат ва енгил саноат технология институти	2 280	178	90
	Фаргона политехника институти			
	Қарши муҳандислик-иқтисодиёт институти			
	Наманган муҳандислик-педагогика институти			
	Тошкент тўқимачилик ва енгил саноати институти			
	Тошкент автомобиль-йўллари институти			
	Тошкент кимё-технология институти			
	Навоий давлат кончилик институти			
	Андижон муҳандислик-иқтисодиёт институти			
	Жиззах политехника институти			
	Наманган муҳандислик-иқтисодиёт институти			
4 гуруҳ	Тошкент давлат аграр университети	2 326	178	90
	Самарқанд қишлоқ хўжалиги институти			
	Андижон қишлоқ хўжалиги институти			
	Тошкент давлат аграр университетининг Нукус филиали			
5 гуруҳ	Тошкент архитектура-қурилиш институти	2 483	122	90
	Самарқанд давлат архитектура-қурилиш институти			

минг сўм

Гуруҳлар	Олий таълим муассасалари номлари	БНЗ <sub>1</sub> — ОТМ бир талабасига жорий харажатларининг базавий нормативи	БНЗ <sub>2</sub> — ОТМ бир талабасига 4-гуруҳ харажатлари бўйича жорий харажатларининг базавий нормативи	БНЗ <sub>3</sub> — ОТМ моддий-техника базасини ривожлантириш ва яхшилаш харажатлари бўйича харажатларининг базавий нормативи
6 гуруҳ	Ўзбекистон давлат жаҳон тиллари университети	2 516	96	65
	Тошкент давлат шарқшунослик институти			
	Андижон давлат тиллар педагогика институти			
	Самарқанд давлат чет тиллар институти			
7 гуруҳ	Тошкент ахборот технологиялари университети	2 545	178	90
	Тошкент ахборот технологиялари университетининг Самарқанд филиали			
	Тошкент ахборот технологиялари университетининг Фарғона филиали			
	Тошкент ахборот технологиялари университетининг Қарши филиали			
	Тошкент ахборот технологиялари университетининг Урганч филиали			
	Тошкент ахборот технологиялари университетининг Нукус филиали			
8 гуруҳ	Тошкент тиббиёт академияси	2 906	294	90
	Тошкент тиббиёт педиатрия институти			
	Андижон тиббиёт институти			
	Самарқанд тиббиёт институти			
	Бухоро тиббиёт институти			
	Тошкент фармацевтика институти			
	Тошкент тиббиёт педиатрия институтининг Нукус филиали			
	Тошкент тиббиёт академиясининг Урганч филиали			
Тошкент тиббиёт академиясининг Фарғона филиали				
9 гуруҳ	Ўзбекистон давлат консерваторияси	8 992	1 023	90
	Ўзбекистон давлат санъат институти	7 556	292	90
	Ўзбекистон давлат санъат институтининг Нукус филиали	6 536	1 897	90
	Тошкент давлат маданият институти	3 028	210	90
	Миллий рассомлик ва дизайн институти	5 012	260	90
	Ўзбекистон давлат жисмоний тарбия институти	2 527	111	90
	Ўзбекистон миллий университети	3 558	163	90
	Тошкент давлат техника университети	2 875	178	90

Гуруҳлар	Олий таълим муассасалари номлари	минг сўм		
		БНЗ <sub>1</sub> — ОТМ бир талабасига жорий харажатларининг базавий нормативи	БНЗ <sub>2</sub> — ОТМ бир талабасига 4-гуруҳ харажатлари бўйича жорий харажатларининг базавий нормативи	БНЗ <sub>3</sub> — ОТМ моддий-техника базасини ривожлантириш ва яхшилаш харажатлари бўйича харажатларининг базавий нормативи
	Тошкент ирригация ва мелиорация институти	3 164	207	90
	Тошкент ислом университети	5 646	953	90
	Жаҳон иқтисодиёти ва дипломатия университети	4 499	588	90
	Солиқ академияси	5 160	978	90

Бир талабани ўқитиш харажатларидан келиб чиқиб бюджет маблағлари ҳисобига олий таълим муассасаларининг харажатларини норматив режалаштириш ва молиялаштириш тартиби тўғрисидаги низомга  
З-ИЛОВА

**Тўлиқ давлат таъминотида бўлган етим ва ота-онасининг қаровисиз қолган олий таълим муассасасининг бир талабасини таъминоти бўйича харажатларнинг базавий НОРМАТИВИ**

Т/р	Нормативлар	Шартли белгилар	суммаси (минг сўм)
1.	Тўлиқ давлат таъминотида бўлган етим ва ота-онасининг қаровисиз қолган ОТМнинг бир талабасининг таъминоти бўйича харажатларнинг базавий нормативи	БНД <sub>1</sub>	2 101
2.	Тўлиқ давлат таъминотида бўлган етим ва ота-онасининг қаровисиз қолган ОТМнинг бир битирувчи талабасининг таъминоти бўйича харажатларнинг базавий нормативи	БНД <sub>2</sub>	5 300

Бир талабани ўқитиш харажатларидан келиб чиқиб бюджет маблағлари ҳисобига олий таълим муассасаларининг харажатларини норматив режалаштириш ва молиялаштириш тартиби тўғрисидаги низомга  
4-ИЛОВА

**Олий таълим муассасасининг бир талабасини ўқитиш харажатларининг базавий нормативларига қўлланиладиган тузатиш КОЭФФИЦИЕНТЛАРИ**

Т/р	Олий таълим муассасалари номлари	К <sub>1</sub> — ОТМнинг меҳнатга ҳақ тўлаш, ягона ижтимоий тўлов ва стипендия харажатлари ҳажмини оширувчи тузатиш коэффициенти	К <sub>2</sub> — ОТМнинг 4-гуруҳ харажатлари ҳажмини оширувчи тузатиш коэффициенти
1.	Тошкент тўқимачилик ва енгил саноати институти	1,137	
2.	Тошкент автомобиль-йўллари институти	1,198	
3.	Тошкент кимё-технология институти	1,286	
4.	Тошкент ахборот технологиялари университети	1,058	
5.	Тошкент ахборот технологиялари университетининг Қарши филиали	1,141	
6.	Тошкент ахборот технологиялари университетининг Нукус филиали	1,375	
7.	Тошкент давлат аграр университети	1,052	1,064
8.	Тошкент давлат аграр университетининг Нукус филиали	1,158	1,330
9.	Тошкент тиббиёт академияси	1,313	1,186
10.	Самарқанд тиббиёт институти	1,555	
11.	Тошкент фармацевтика институти	1,385	
12.	Тошкент тиббиёт академиясининг Фарғона филиали	1,073	
13.	Ўзбекистон давлат жаҳон тиллари университети	1,017	
14.	Тошкент давлат шарқшунослик институти	1,019	
15.	Самарқанд иқтисодиёт ва сервис институти	1,109	